



BILEOG EOLAIS SCÉIM NA gCOLÁISTÍ GAEILGE

- (1) D'fhonn cabhrú tuilleadh le muintir na Gaeltachta chun foghlaimeoirí Gaeilge a choimeád ar iostas ina dtithe cónaithe, mar a mbeidh deis acu teacht isteach ar bhlas agus líofacht nádúrtha na Gaeilge trína gcaidreamh le cainteoirí dúchais, féadfaidh an Roinn deontais a thabhairt faoin Scéim seo d'iarratasóirí cáilithe a mbíonn foghlaimeoirí aitheanta Gaeilge ar iostas acu.
- (2) Chun cáilíocht faoin Scéim seo a bhaint amach ní foláir d'iarratasóir -
- (a) bheith ina c(h)ónaí i gceantar Gaeltachta atá oiriúnach do chuariteoirí le Gaeilge ar mhian leo an teanga a chleachtadh;
 - (b) an Ghaeilge a bheith ar a t(h)oil aici/aige agus ag gach ball den líon tí agus í a bheith mar ghnáth-theanga labhartha acu.
 - (c) an Roinn a shásamh:-
 - (i) go bhfuil ar a c(h)umas cóiríocht oiriúnach do chuariteoirí a chur ar fáil in aontíos léi/leis féin ar feadh trí mhí ar a laghad sa bhliain;
 - (ii) nach gcoimeádfaidh sí/sé níos mó cuairteoirí san aontráth ná mar a bheidh údaraithe ag an Roinn;
 - (iii) nach mbeidh aici/aige ach cuairteoirí le Gaeilge fad a bheith foghlaimeoirí ar iostas aici/aige agus gurb í an Ghaeilge a labhróidh sí/sé féin agus a líon tí leo;
 - (iv) go gcoimeádfaidh sí/sé leabhar cuairteoirí ina dtabharfar na sonraí cuí i leith gach cuairteora a bheidh aici/aige; agus
 - (v) Go bhfuil an líon tí oiriúnach chun foghlaimeoirí Gaeilge a choinneáil ar iostas go slán sábháilte agus nach bhfuil aon ionchúiseamh, gurbh eol dóibh, ag aon bhall den líon tí a chuirfidh isteach air seo.
 - (d) cead a thabhairt don Roinn pé fiosrúcháin gur gá a dhéanamh leis na húdaráis chuí maidir le oiriúnacht an líon tí chun foghlaimeoirí Gaeilge a choinneáil ar iostas;
 - (e) an Roinn a chur ar an eolas roimhré i dtaobh foghlaimeoirí a bheidh ag teacht ar iostas aici/aige.
- (3) Ach an Roinn a bheith sásta le hiarratas faoin Scéim seo, féadfar deontas a cheadú don iarratasóir nach rachaidh thar €70.00 in aghaidh gach seachtain (€10.00 in aghaidh gach lá) a chaithfidh gach foghlaimeoir aitheanta ar iostas léi/leis ina t(h)each cónaithe.

- (4) Féadfar glacadh mar fhoghlaimoir aitheanta faoin Scéim seo le hógánach nach mbíonn ag tuilleadh pá:-
- (a) a bhfuil gnáthchónaí uirthi/air lasmuigh den Ghaeltacht;
 - (b) atá 10 mbliana d'aois ar a laghad ar 1 lúil bhliain a c(h)uairte ar an nGhaeltacht;
 - (c) a bhfuil a d(h)óthain Gaeilge aici/aige chun tairbhe cheart a bhaint as a c(h)uairt, agus
 - (d) a théann go dtí an Ghaeltacht chun freastal:-
 - (i) ar chúrsa Gaeilge aitheanta; nó
 - (ii) mar chinnire ar 20 dalta ar a laghad a bhíonn ag déanamh cúrsa den saghas sin, nó ar staidéar eagraithe Gaeilge nó Gaeltachta a bheidh ceadaithe roimhré ag an Roinn.
- (5) Ní thuigthe an deontas a thabhairt faoin Scéim seo go nglacann an Roinn freagracht ar bith uirthi féin i dtaobh na bhfoghlaimeoirí ná i dtaobh na dtithe a bheidh i gceist agus ní bheidh an Roinn faoi dhliteanas mar gheall ar aon chailliúint nó damáiste a tharlóidh aon uair ina leith.
- (6) Cuireann alt 18(2) den Acht Seirbhísí Dóiteáin 1981 freagracht faoi shábháilteacht dóiteáin ar an duine atá i gceannas ar theach ina gcuirtear cóiríocht chodlata ar fáil d'aíonna, gach is gá go réasúnta a dhéanamh chun:-
- (a) Féachaint chuige nach dtosóidh dóiteán; agus
 - (b) Féachaint chuig sábháilteacht daoine atá sa teach má thosaíonn dóiteán.
- Cuireann alt 18(3) den Acht Seirbhísí Dóiteáin 1981 freagracht ar gach duine in áitreabh ina gcuirtear cóiríocht chodlata ar fáil d'aíonna iad féin a iompar ar bhealach nach gcuirfear aon duine san áitreabh i mbaol ó dhóiteán. Seo leanas an tsliocht chuí ón Acht-
- “Beidh de dhualgas ar gach duine, agus é/í in áitreabh lena mbaineann an t-alt seo, é/í féin a iompar ar shlí a áiritheoidh, a mhéid is féidir sin le réasún, nach gcuirfear aon duine san áitreabh i mbaol ó dhóiteán mar gheall ar aon ghníomh nó aon neamhghníomh dá chuid”*
- (7) Is ag an Aire Cultúir, Oidhreachta agus Gaeltachta a bheidh an bhreith dheiridh ar gach ní a bhainfidh leis an Scéim seo agus ní bheidh aon dul thairis sin.

An Roinn Cultúir, Oidhreachta & Gaeltachta

Na Forbacha

Gaillimh

H91 KX39

☎ 091 503700

Íos-ghlao ☎ 1890 201401

✉ colaistigaeilge@chg.gov.ie